

Hylli i Dritës

Ubi Spiritus Domini, ibi libertas.

(II. ad Cor. III. 17).

1. Anmiku te ðera	Fq. 417
2. Gjendja politike në Athinë në sh. V. p. K'	„ 423
3. Vjerrsha të pabotueme të t' Ênz. P. Zarishit	„ 429
4. Për Fjalorin Shqip	„ 434
5. Dojëet komtare	„ 440
6. Pellasgë e Hellenë	„ 444
7. Shka na msojn luftat qytetse të Spanjës	„ 449
8. Gjurmime...	„ 455
9. Dÿ lot e nji betim mbí eshten të Ç. Topullit e M. Qullit	„ 462
10. Lajme rrokull Shqypnis	„ 465
11. Lajme rrokull botës	„ 466
12. Bibljografi	„ 467



*Drejtimi man tagrin më çdo artikull, që botohet në këtë të
Perkohshme, tue ndaluar njëherit edhe çdo rishtypje a perkthim.*

Anmiku te ðera

Në shenarin politik të sotshem faktet grumullohen mbi fakte e nderlikohen perzihen pshtjellohen porsi tallazet e vûme para prej erve qi luftojn nder vedi. Gjatë ktyne vjetve ogurzeze mbas luftet, kurr, si nder kto ditt e vona, paqetsija droja e trishtimi nuk i kan bâ me u dridhë të tanë popujt.

Rusija në mjedis t' Edenit sovjetik në të cillin gjindet, vlon si vulkani. As të njoftunt e sundimit të sajë prej anës së Shteteve të Bashkueme; as mirsija e pashoqe franceze me të cillen u mueren ngrykë — aq perzêmertas — kto dý shtete ndermjet vedit; as konkordati i bâm mos me e msý shtetet e aferme; as pranimi i turpsheem i sajë në Lidhjen e Komeve, nuk mujten me ja kthye pagjen e qetsin e perparshme.

Germanija deri dje gadi si e dekun e krejt e lânun mbas doret — ktû e çoi pazotsija qi diftoi në politikë — sot mshehtas e çiltas armatiset deri në fyt, me gjithse Traktati i Versailles ja ndalon e kashen e shtetit kaheerë e ká shpikë.

Franca, së cillës nuk i dhimen aspak miljardat per ushtrí e hjedhë me mjeshtrí rretat e miqsís, tash do kohë nuk áshat tuj mujtë me gzue pagjë. Sidomos, qyshë se Germanija duel fituese në Plebishitin e Saar, e mâ fort mbasi u lidh me Austrí.

Ingelterra nuk flên rahat qyshë se anmiku i gjithmonshem i sajë gjýsidekun, Germanija, ká fillue me luejtë per së gjallit.

Italija qi neper zhení të Prísit të vet mrríjti me u bâ nji nder shtete mâ të para e mâ të forta t' Europës — posaçe mbasi shtroi me shpejtí të çuditshme krejt Abisinín — sot kqyret me sý të keq prej shteteve tjera.

As kolosi amerikan, bankjeri i botës, i rí, i kerthnesët,

